



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Մանկավարժական աշխատողի համագործակցություն սաների ծնողների (նրանց օրինական ներկայացուցիչների) հետ՝ սաների կրթական աշխատանքների կազմակերպման և ընտանեկան դաստիարակության հարցում

Դաստիարակ՝ Տաթևիկ Հայրապետյան
Մանկապարտեզ՝ « Ծիծեռնակ » ՀՈԱԿ

2023թ.

Բովանդակություն

Ներածություն -----	3
Գլուխ 1. Մանկավարժական աշխատողի համագործակցությունը սաների ծնողների հետ՝ սաների կրթական աշխատանքների կազմակերպման և ընտանեկան դաստիարակության հարցում -----	5
1.1 Ընտանեկան դաստիարակության առանձնահատկությունները-----	7
1.2 Ընտանիքի և մանկապարտեզի համագործակցության հիմքում ընկած 2 սկզբունքները-----	9
1.3 Մանկապարտեզի և ընտանիքի համագործակցության ուղղությունները---	10
Գլուխ 2. Հետազոտական աշխատանք-----	12
Եզրակացություն-----	16
Գրականության ցանկ-----	17

Ներածություն

<<Ընտանիքը երեխայի մթնոլորտն է, նրա մեջ աճում և զարգանում են երեխայի մտավոր ուժերը, նրա հոգեկան զորությունները և բարոյական հատկությունները, բոլորն այն չափով, ինչ չափով նպաստում է դրան գերդաստանի կրթողական ազդեցությունը և այն ձևով, ինչ կերպարանք է տալիս նրան դաստիարակող ոգին>> (Րաֆֆի)¹:

<<Վաղ հասակի երեխաների մանկավարժները պետք է լիովին ըմբռնեն, խրախուսեն և խորացնեն ծնողների ու երեխաների միջև գոյություն ունեցող առաջնային կապվածությունը>> (Ջոնսթըն, 1982)²:

Վաղ հասակի երեխաների կրթական ծրագրերի մեջ ընտանիքները ներգրավելու օգտին ամենաձանրակշիռ փաստարկներից մեկն արտահայտել է հոգեբան Ուրի Բրոնֆենբերենները (1975թ.), որը նշել է, որ <<...այն ծրագրերը, որոնք հատուկ կարևորություն են տալիս երեխայի զարգացմանը նպաստող միջոցառումներին ծնողների ուղղակի մասնակցությանը, ամենայն հավանականությամբ կառուցողական ներազդեցություն կունենան ցանկացած տարիքում, սակայն որքան վաղ նախաձեռնվեն նման ծրագրերը և որքան ավելի երկար դրանք տևեն, այնքան ավելի շոշափելի է լինելու դրանց դրական ազդեցությունը երեխաների վրա>>³:

Թեև ընտանիքները վճռորոշ դեր են խաղում իրենց երեխաների կյանքում, նրանք ևս կախվածության մեջ են իրականացվող ծրագրերից ստացվող աջակցությունից ու միջոցներից , ինչպես նաև համայնքից:<<Ընտանիքները կարևորագույն օղակ են առողջ, կենսունակ և հոգատար երեխաների դաստիարակության համակարգում:

¹ Ս. Ա. Մարության, Ա.Մ. Դալլաքյան <<Նախադպրոցական մանկավարժություն>> Երևան – 2008, էջ 259

² <<Քայլ առ քայլ>> երեխայակենտրոն դասասենյակների ստեղծումը 1997 էջ 4

³ <<Քայլ առ քայլ>> երեխայակենտրոն դասասենյակների ստեղծումը 1997 էջ 45

Այդուհանդերձ, մենք գտնում ենք , որ ընտանիքները, ընդ որում բոլորն առանց բացառության , անկարող են իրենց այս կոչումը լավագույնս իրականացնել հոգատար ու զորեղ համայնքի աջակցության բացակայության պայմաններում, քանզի

հենց համայնքն է, որ իր օժանդակությամբ ապահովում է ընտանիքների սեփական ռեսուրսների պաշտոնական և ոչ պաշտոնական համալրումները>> (Հոբս և այլք, 1984թ.)⁴:

Երեխայի դաստիարակությունը հարկավոր է սկսել ծնվելուն պես: Ինչպես Վ. Հյուգոն էր ասում. <<Մարդու մանկությունից հիմք դրված սկզբունքները նման են մատղաշ ծառի կեղևին փորագրված տառերին, որոնք աճում են, ծավալվում նրա հետ և կազմում անկապտելի մաս>>:

Ծնողների հետ համագործակցությունը վաղ մանկական և նախադպրոցական տարիքի երեխաների կրթական արդյունավետ ծրագրի անհրաժեշտ մասն է կազմում: Ընտանիքն ու մանկապարտեզն ունեն իրենց առանձնահատուկ դերը, չեն կարող փոխարինել միմյանց:

Հետազոտական աշխատանքիս նպատակը թեմայի ծանոթացումն ու մանրամասնորեն ուսումնասիրումն է, թեմայից ստացած տեսական գիտելիքների կիրառումն է ծնողավարության գործընթացում: Վերլուծել մանկապարտեզում ծնողների հետ փոխգործակցության արդյունավետ ձևերն ու մեթոդները:

⁴<<Քայլ առ քայլ>> երեխայակենտրոն դասասենյակների ստեղծումԸ 1997 էջ 46

Տեսական մաս

Գլուխ 1

Մանկավարժական աշխատողի համագործակցությունը սաների ծնողների (ներանց օրինական ներկայացուցիչների) հետ՝ սաների կրթական աշխանքների կազմակերպման և ընտանեկան դաստիարակության հարցում

Յ.Ա. Կոմենսկին նշում էր, որ << մայրիկի դասերը չունեն դասամիջոցներ, հանգստյան օրեր, արձակուրդ>>⁵:

Վերջապես , <<Երեխան ընտանիքի հայելին է>> սահմանում դարձած արտահայտությունը լիովին նկարագրում է և կարևորում ընտանիքի անփոխարինելի դերը երեխայի զարգացման և նրա անձնավորության ձևավորման գործում:

Ընտանիքն է սոցիալականացման առաջին օղակը, ուր սկիզբ է առնում երեխայի սոցիալական էությունը: Ընտանիքում են յուրացվում առաջին սոցիալական դերերն ու հարաբերությունները, բացահայտվում են երեխայի անհատական առանձնահատկություններն ու ձևավորվում բնավորության գծերը, դաստիարակվում են բարոյական հատկություններ և սոցիալական վարքագծի հիմքեր: Ընտանիքը մեծապես նպաստում է երեխայի ինքնահաստատմանը սոցիալական միջավայրում , նրա ստեղծագործական ներուժի և անհատականության բացահայտմանը: Ընտանիքն այն կայուն սոցիալական օղակն է, որն ուղեկցվում և առաջնորդում է երեխային իր ողջ կյանքում:

Մանկապարտեզը և այլ նախադպրոցական կրթական հաստատությունները կոչված են իրականացնելու նախադպրոցական տարիքի երեխաների հասարակական դաստիարակությունը: Նախադպրոցական հաստատությունների

⁵ Ս. Ա. Մարության, Ա. Մ. Դալլաբյան <<Նախադպրոցական մանկավարժություն>> Երևան - 2008 էջ 259

հիմնական մանկավարժական գործառույթը երեխայի դաստիարակության կազմակերպումն է հասակակիցների միջավայրում, նախադպրոցական երեխաների հասարակական կյանքի համար անհրաժեշտ պայմանների ապահովումը:

Մանկապարտեզում է երեխան սկսում հաղորդակցվել և համագործակցել, որոշումներ կայացնել, համադրելով սեփական ցանկություններն ու կարծիքը ընկերների ցանկությունների և կարծիքի հետ:

Ընտանիքն ու մանկապարտեզն ունեն իրենց առանձնահատուկ դերը, որոնք չեն կարող փոխարինել միմյանց: Հաջողության պայմանն է՝ վստահության գործարար կապերի հաստատումը:

Հոգեբան Ա.Ն. Լեոնտևը նշում է, որ «⁶ նախադպրոցական տարիքի երեխան չափազանց զգայուն է իրեն մշտապես շրջապատող հարազատ և մտերիմ մարդկանց հանդեպ, ընկալում և ընդունում է միայն նրանց դաստիարակչական ներգործությունը և դժվարությամբ է համակերպվում օտարների ներկայության հետ⁶:

Երեխաների սոցիալական զարգացման վրա ներազդումը իրականացվում է ընտանիքում: Սոցիալական զարգացումը ուղղված է երեխաների անձնային հիմնարար որակների և սոցիալական հմտությունների ձևավորմանը: Սոցիալական փորձի ձեռքբերման գործընթացում ձևավորվում են անձնային հատկություններ, ինչպիսիք են՝ հասակակիցների և մեծերի հետ հաղորդակցվելու, ազատ ընտրություն կատարելու, որոշումներ կայացնելու, համագործակցային կարողություններ, ինչպես նաև հուզականորեն արձագանքելու, կարեկցելու, փոխօգնության և փոխզիջման ունակություններ ու հմտություններ: Հաղորդակցման կուլտուրան, փոխադարձ հարգանքը, անհատի առանձնահատկությունների ընդունումը, երեխայի շահերի

⁶ Ա. Ա. Մարության, Ա. Մ. Դալլաքյան «⁶Նախադպրոցական մանկավարժություն» Երևան - 2008 էջ 260

ընդհանրականությունը 2 կողմերի համար փոխշահավետ համագործակցության հիանալի հիմք են դառնում:

1.1 Ընտանեկան դաստիարակության առանձնահատկությունները.

Ընտանեկան դաստիարակությունը մանկավարժական համակարգ է՝ ուղղված կրթադաստիարակչական խնդիրների իրականացմանը ընտանիքի բոլոր անդամների համատեղ մանկավարժական ջանքերի շնորհիվ:

Տ.Ա. Մարկովան երկար տարիներ ուսումնասիրելով ընտանեկան դաստիարակության առավելությունները, առանձնացնում է ընտանեկան երեք այն գործոնները, որոնք բնութագրում են ընտանեկան դաստիարակության հիմնական առանձնահատկությունները⁷:

Ընտանեկան դաստիարակության առաջին առանձնահատկությունը վերաբերում է ընտանեկան դաստիարակության մթնոլորտին: Այստեղ բոլորը միմյանց հանդեպ քնքուշ են, սիրով, նվիրված, հավատարիմ: Կապված են միմյանց հետ ներքին հուզական կապով:

Երկրորդ առանձնահատկությունը մանկավարժական ներգործության մշտական (տևական) բնույթն է: Ընտանեկան դաստիարակության **կայուն** և մշտական բնույթը ներգործում է ինքնադաստիարակության **սկզբունքով**: Օրինակ, կարելի է կանխատեսել ծնողի զայրույթը և **ձեռնարկել** համապատասխան քայլեր՝ ներողություն խնդրել: Արդյունքում, երեխան սովորում է համարժեք արձագանքել արտաքին իրողությանը:

Երրորդ առավելությունը երեխային ընտանեկան խնդիրների լուծմանը, լիիրավ մասնակից դարձնելու հնարավորությունն է: Վաղ տարիքից երեխան կարող է ունենալ մշտական պարտականություններ: Հետևելով ծնողների վարքագծին և հարաբերու-

⁷Ս. Ա. Մարության, Ա. Մ. Դալլաքյան <<Նախադպրոցական մանկավարժություն>> Երևան - 2008 էջ 261

թյուններին , երեխան սովորում է ճանաչել մարդկանց, տարբերում և գնահատում է նրանց գործողությունները ծնողների գործողությունների հետ համեմատելով, յուրացնում է մարդկային վարքագծի ընդունված ձևերը և կարողանում կողմնորոշվել սեփական ցանկությունների և կարողությունների մեջ: Ընտանիքում է զարգանում նրա սեռային ինքնագիտակցությունը, սեռային պատկանելությունը և հոգեկան սեռը:

Ընտանեկան դաստիարակության սկզբունքներն են՝

- մարդասիրություն և գթասրտություն
- երեխայի հանդեպ սիրո և հարգանքի
- ընտանեկան փոխհարաբերություններ կառուցելիս լավատեսություն
- երեխայի հետ բաց և վստահելի հարաբերությունների հաստատման
- երեխայի ներկայացվող պահանջների միասնականության
- ծնողների հեղինակության անսասանության, նրանց կարծիքի գերակացության
- հետևողականության և պահանջկոտության
- երեխային ընտանիքի գործությանն ակտիվ ներգրավելու:

Հայ ընտանիքներին ավանդաբար բնորոշում են ընտանեկան դաստիարակության որոշ թերություններ

- երեխաների ֆետիշացումը, նրանց քմահաճույքների անհապաղ կատարումը
- ծնողների հեղինակության արժեզրկումը, նրանց կարծիքի և որոշումների անտեսումը
- դաստիարակության ավանդական մոտեցումների, ճնշող դաստիարակության գերակայությունը
- երեխային ներկայացվող պահանջների անկայունությունը, միասնականության բացակայությունը
- դաստիարակության խոսքային եղանակների, քարոզչության գերակայությունը,

երեխայի ինքնուրույնության անտեսումը

- հուզական դրսևորումների կտրուկ փոփոխությունը, հուզականության անկայունությունը դաստիարակության ընթացքում
- կենցաղային մշակույթի ցածր մակարդակ
- դաստիարակության փորձը մանկավարժական գիտելիքներով հարստացնելու, նորն ընդունելու անկարողությունը, մանկավարժորեն կրթվելու ցանկության բացակայությունը:

1.2 Ընտանիքի և մանկապարտեզի համագործակցության հիմքում ընկած է 2 սկզբունք.

-Նախադպրոցական կրթական հաստատության ներքին ներգործությունների հանդեպ բաց լինելու,

-Նախադպրոցական կրթական հաստատության արտաքին ներգործությունների հանդեպ բաց լինելու:

Առաջին սկզբունքը ենթադրում է ընտանիքի բոլոր անդամների ներգրավում մանկապարտեզի մանկավարժական գործընթացին, որից էլ շահում են մանկապարտեզի մանկավարժական գործընթացի բոլոր սուբյեկտները,և սա էլ նպաստում է երեխաների դաստիարակությունը համակցված, փոխապայմանավորված, և փոխապատասխանատու գործողությունների միջոցով:Ծնողների ներկայությունը մանկապարտեզում վստահություն է ներշնչում երեխային և կրկնապատկում նրա սովորելու և աշխարհը ճանաչելու ցանկությունը:

Մանկապարտեզի դեպի ներս բաց լինելու սկզբունքը ենթադրում է մանկապարտեզի մանկավարժական գործընթացին նպաստող ներխուժող յուրաքանչյուր ներգործության ընկալում, ընդունում և կիրառում:

Համագործակցության երկրորդ սկզբունքը կարևորում է մանկապարտեզի դեպի դուրս բաց լինելու անհրաժեշտությունը: Մանկապարտեզը պատրաստ պետք է լինի համագործակցելու միկրոսոցիումի՝ համայնքի բոլոր սոցիալական ինստիտուտների հետ: Պարտադիր է մանկապարտեզի համագործակցությունը դպրոցների, երաժշտական և սպորտային դպրոցների, մանկական ակումբների ,մշակութային հաստատությունների հետ:Կենսական անհրաժեշտություն է ժամանակի պահանջ մանկապարտեզի համայնքի վարչական միավորների հետ փոխադարձ կապի հաստատումը:

1.3 Մանկապարտեզի և ընտանիքի համագործակցության ուղղությունները .

- Առավոտյան հանդիպումներ.
- Ծնողական ժողովներ.
- Ծնողական համաժողովներ
- Շաբաթական կամ ամսական լրատուներ.
- Հանդիպումներ օրվա երկրորդ կեսին.
- Գրքերի փոխանակումներ.
- Տնայց.
- Բաց դռների օրեր .
- Մանկավարժական հյուրասրահ.
- Հեռախոսային զանգեր.
- Կլոր սեղան.
- Խորհրդատվություններ՝ անհատական, ենթախմբերով և խմբային.

- Փառատոներ և տոնակատարություններ.
- Սպորտային միջոցառումներ.
- Ցերեկույթներ.
- Ոչ պաշտոնական գրառումներ.
- Անհատական գրառումների գրքույկներ.
- Առաջարկությունների տուփ:

Գլուխ 2

Հետազոտական աշխատանք

Թեմա՝ մանկավարժական աշխատողի համագործակցությունը սաների ծնողների հետ

Հիմնական մաս.

- Ինչու՞ է անհրաժեշտ մանկապարտեզ և ընտանիք փոխգործակցությունը:

Քննարկում

- Ի՞նչ գիտենք ծնող-մանկապարտեզ համագործակցության մասին:

Նպատակ՝

- Ծնողների մոտ հավատ ներշնչել, վստահություն՝ ապահովելով երեխայի անհատականության ամբողջական զարգացումը:

Հետազոտական ընթացք - 2023թ. Նոյեմբերի 24-ին միջին II^ա <<Ծիածան>> խմբում իրականացրել եմ ծնողական ժողով: Ներկա էին 30 ծնողներից 25-ը, բացակա էին 5-ը՝ հարգելի պատճառով:

Օրակարգ

1. Անդրադարձ մեր անցած ուղուն:
2. Մանկապարտեզ- ընտանիք փոխհամագործակցություն

Խմբի նոր ձևավորման փուլում քիչ ծնողներ էին ներգրավված մանկապարտեզի առօրյային, իսկ եռամսյակի վերջում բավականին աճ գրանցեցինք: Շարունակեցի ակտիվ համագործակցել ծնողների հետ՝ ուժեղացնելով այդ կապը: Եվ հույս ունեմ ,

որ կունենամ էլ ավելի բարձր ցուցանիշ:

Խթանման փուլ

Նախապատրաստելով ծնողներին նյութի ընկալմանը՝ անդրադարձանք մեր անցած ուղուն՝ հիշելով մեր աշխատանքային գործունեությունը՝ մանկապարտեզի համար ծնողների կողմից ճճանակների, խաղալիքների, գրքերի, ծաղիկների նվիրատվություն, ազատ շփումներ՝ անհատական, խմբային, էքսկուրսիաներ, միջոցառումներ, ծառատունկ, բերքահավաք... Միջոցառումների ցանկից վերհիշեցինք նոյեմբերի 7-ին կայանալիք << EXPO_2023 >> մեր աշնանային ցուցահանդեսը, որը կազմակերպվել էր ծնողների նախաձեռնությամբ և ակտիվ մասնակցությամբ: Քրտնաջան աշխատանքն էլ գնահատեցինք՝ համտեսելով աշնան անուշահամ բերքն ու բարիքը, ծնողների ձեռքով պատրաստած քաղցրավենիքը, ժենգյալով հացը...

Բարձր գնահատեցինք ծնողների և երեխաների կողմից համատեղ պատրաստած ձեռքի աշխատանքները: Միջոցառման վերջում տնօրինության կողմից արժանացանք պատվոգրի:



Ծնողները հասկացան, թե ինչքան կարևոր է իրենց դերը մանկապարտեզի աշխատանքային գործընթացում, որի արդյունքում փոխադարձ հարգանք է ձևավորում:

Իմաստի ընկալման փուլ

Բացատրեցի նոր նյութի վերաբերյալ իրենց գիտելիքները՝ ներգրավվելով նրանց քննարկվելիք նյութի մեջ: Ձևավորեցի գիտելիքների և հմտությունների ձեռք բերելու ձգտում: Այսպիսով երկար դիտարկումից հետո հասկացանք ինչ մեծ գործ ենք արել:

Ծնողների մոտ հետաքրքրություն առաջացրի , ապահովեցի տեղեկատվության ընկալման ինքնավերահսկում: Եվ այս ամենը վերլուծելով ծնողները կարողացան արտահայտել իրենց կարծիքը՝ իրենց բառերով և ձևակերպումներով, հասկացան մեր մանկավարժական գործունեության կարևորությունը: Ծնողները հասկացան, թե ինչքան կարևոր է իրենց դերը մանկապարտեզի աշխատանքային գործընթացում, որի արդյունքում փոխադարձ հարգանք է ձևավորվում: Նոր ստացած տեղեկատվությունը կարողացան արտահայտել իրենց բառերով և ձևակերպումներով: Սա հնարավորություն է տալիս ծնողներին ոչ միայն մասնագիտական գիտելիքներ կուտակել երեխաների դաստիարակության հարցում, այլև վստահելի հարաբերություններ հաստատել դաստիարակի հետ: Քննարկման վերջում լսեցի ծնողների առաջարկությունները՝ մանկապարտեզի հետ համատեղ աշխատանքի վերաբերյալ:

Կշռադատման փուլ

Այստեղից հետևություն, երբ որ համագործակցում են միևնույն գաղափարի շուրջ, ապահովում են երեխայի ներդաշնակ դաստիարակությունը:

Դիտարկում

Ներկա գտնվելով Ը. Տաթևիկի կողմից կազմակերպված ծնողական հանդիպմանը, կարող եմ ասել, որ այն հաջողված էր, հագեցած և արդյունավետ, քանի որ կարողացավ հասնել իր նպատակին՝ ձեռք բերելով վստահություն և համագործակցություն ծնողների շրջանում:

Տնօրեն՝ Լ. Ազարյան

Կարող եմ նշել, որ ծնողական հանդիպումը տեղի ունեցավ ջերմ, անկաշկանդ մթնոլորտում: Ակնհայտ էր, որ համագործակցությունը ծնողների հետ ճիշտ էր, քանի որ երկկողմանի աշխատում էին միևնույն գաղափարի շուրջ: Քննարկվում էին համագործակցությունը բարելավելու արդյունավետ ուղիների, ինչպես նաև դրա շրջանակները լայնացնելու մասին հարցեր:

Մեթոդիստ՝ Ռ. Օհանջանյան

Եզրակացություն

Ուսումնասիրելով այս թեման՝ եկանք մի շարք մանկավարժական եզրահանգումների.

Երեխաների պատասխանատվության հիմնական կրողը դա ընտանիքն է, իսկ մանկապարտեզը ավարտին է հասցնում նրա գործը:

- Հաջողության պայմանն է ընտանիք- մանկապարտեզ համագործակցությունը:
- Ծնողին ընդգրկելով մանկապարտեզի առօրյային ամրապնդվում է ընտանիք- մանկապարտեզ կապը:
- Եվ այս համագործակցությունից էլ շահում են 3 կողմերը՝ ընտանիք- մանկապարտեզ- երեխա:
- Որպեսզի անհատական մոտեցում դրսևորվի երեխայի նկատմամբ, պետք է 2 կողմերն էլ ունենան գիտելիքներ, կարողություններ, հմտություններ, տիրապետի դաստիարակության առանձնահատկություններին, կարողություններին:
- Շատ կցանկանայի, որ մանկապարտեզում տեղի ունեցող յուրաքանչյուր գործունեությունում ծնողներն ունենան ակտիվ մասնակցություն, որպեսզի նրանց ներգրավվածության ցուցանիշն ավելի բարձրանա:
- Կցանկանայի, որ դաստիարակները ուշադրություն դարձնեն հետագա իրենց աշխատանքի ընթացքում ծնողների մանկավարժական կրթության նպատակի վրա՝ ծնողներին զինելով որոշակի նվազագույն գիտելիքներով, օգնելով նրանց ինքնակրթության կազմակերպման, կրթական հմտությունների գործում:

Գրականության ցանկ

- 1.<<Նախաշավիղ>> Լ. Սմբատյան – Ընտանիքի և Մանկապարտեզի համագործակցությունը՝ որպես երեխայի դպրոց ընդունվելու կարևորագույն պայման 4-5 2008 էջ 55-67
- 2.<<Նախաշավիղ>> Լ. Թովմասյան – Ծնող - ուսուցիչ փոխհարաբերությունը և դրա ներգործությունը ուսումնական գործընթացի վրա 5. 2010 էջ 57-59
3. <<Քայլ առ քայլ>> երեխայակենտրոն դասասենյակների ստեղծումԸ 1997 էջ 45-80
4. Մանկապարտեզի ավագ խմբի կրթական համալիր Ծրագիր Երևան 2007 էջ 136-138
5. Մանկապարտեզի միջին խմբի (4-5տ.) կրթական համալիր Ծրագիր Երևան 2011 էջ 158-162
6. Ս. Ա. Մարության, Ա. Մ. Դալլաքյան <<Նախադպրոցական մանկավարժություն>> Երևան - 2008 էջ 257-283
7. Հասմիկ Միտոյան , Լալա Սմբատյան <<Ուսումնական ձեռնարկ մանկապարտեզի համար>> Երևան 2010 էջ 208-221

